

HELAIAN PENDEDAHAN PRODUK	Etiga General Takaful Berhad (“Kami”)
Sila baca Helaian Pendedahan Produk ini sebelum Anda memutuskan untuk menyertai Takaful Buddy PA - Crime Shield . Sila pastikan Anda membaca terma-terma dan syarat-syarat.	Takaful Buddy PA - Crime Shield Tarikh : 01/03/2024

1. Apakah produk ini?

Produk ini ialah pelan kemalangan diri yang memberi manfaat kerugian atau kecederaan akibat jenayah, sebagai tambahan manfaat asas untuk kematian dan hilang upaya kekal akibat kemalangan.

2. Apakah konsep-konsep Syariah yang digunakan?
Wakalah

Produk ini menggunakan konsep wakalah (perwakilan), di mana para peserta melantik kami untuk bertindak bagi pihak mereka untuk melabur dan menguruskan Dana Takaful Am (Dana). Para peserta juga bersetuju untuk memberikan kuasa kepada kami untuk mewakilkan hak, tanggungjawab dan kewajipan kepada mana-mana pihak ketiga sebagaimana yang dianggap sesuai oleh kami bagi mencapai objektif untuk melabur dan menguruskan Dana tersebut dengan syarat, bagi perwakilan ini, kami akan tetap bertanggungjawab terhadap semua hak, tanggungjawab dan kewajipan terhadap para peserta. Sebagai ejen, kami berhak menerima fi wakalah sebagai caj perkhidmatan.

Tabarru'

Pelan ini juga menggunakan konsep Tabarru' (derma), di mana para peserta bersetuju untuk menderma atau menyumbang sumbangan mereka kepada Dana bagi tujuan saling membantu dan menolong mana-mana peserta lain yang memerlukan bantuan berdasarkan peristiwa yang telah dipersetujui terlebih dahulu. Pada akhir setiap tahun kewangan, sebarang lebihan dalam Dana, tolak pembayaran balik defisit bersejarah dan peruntukan luar jangka, dan tertakluk kepada polisi lebihan yang diluluskan oleh Jawatankuasa Syariah kami, 50% akan dikongsi antara peserta yang sijilnya belum ditamatkan dan yang belum membuat tuntutan dalam tahun kewangan, dan 50% kepada kami kerana mengendali dan menguruskan Dana, berdasarkan kontrak Ju'alah. Ju'alah ialah kontrak ganjaran yang menentukan pengagihan perkongsian lebihan. Jika lebihan itu kurang daripada RM10.00, lebihan itu akan dimasukkan ke dalam tabung kebajikan yang akan digunakan sebagai 'Amal Jariah' bagi pihak peserta. Tabung kebajikan akan diagihkan kepada penerima yang layak sebagaimana yang diluluskan oleh Jawatankuasa Syariah kami untuk tujuan kebajikan.

3. Apakah perlindungan / manfaat yang diberi?

Perlindungan / manfaat adalah seperti berikut:

Seksyen Manfaat	Jumlah Manfaat (RM)			
	Pelan Asas	Pelan Baik	Pelan Lebih Baik	Pelan Terbaik
Seksyen 1 – Kematian				
a) Setiap dewasa	50,000	100,000	200,000	300,000
b) Setiap anak	10,000	20,000	20,000	25,000
Seksyen 2 – Hilang upaya kekal (sehingga)				
a) Setiap dewasa	50,000	100,000	200,000	300,000
b) Setiap anak	10,000	20,000	20,000	25,000
Seksyen 3 – Tunai ihsan bagi keganasan rumah tangga	Tidak dilindungi	Tidak dilindungi	Tidak dilindungi	1,000
Seksyen 4 – Pengeluaran tunai mesin juruwang automatik (sehingga)	500	700	1,000	1,200
Seksyen 5 – Ragut (sehingga)	500	500	800	1,000
Seksyen 6 – Penculikan (sehingga)	Tidak dilindungi	5,000	5,000	5,000
Seksyen 7 – Penjagaan pemulihan (maksimum 30 hari bagi setiap mana-mana satu kemalangan, sehingga)	500	750	1,000	1,250
Seksyen 8 – Perbelanjaan perubatan di hospital untuk bilik dan makanan (maksimum 60 hari bagi setiap mana-mana satu kemalangan, sehingga)	150 setiap hari	150 setiap hari	200 setiap hari	200 setiap hari
Seksyen 9 – Perbelanjaan perubatan di hospital selain bilik dan makanan (sehingga)				
a) Setiap dewasa	500	800	1,000	1,500
b) Setiap anak	150	250	400	500
Seksyen 10 – Perbelanjaan perubatan pesakit luar (sehingga)				
a) Setiap dewasa	500	500	500	700
b) Setiap anak	100	100	150	200
Seksyen 11 – Fi ambulans (sehingga)	500	500	500	500

Nota:

- Tempoh Takaful adalah satu (1) tahun. Anda perlu memperbaharui sijil takaful setiap tahun.
- Sila rujuk sijil takaful untuk maklumat lanjut berkenaan manfaat-manfaat di atas.
- Manfaat-manfaat yang dibayar di bawah produk yang layak adalah dilindungi oleh Perbadanan Insurans Deposit Malaysia (PIDM) sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi kami atau PIDM (layari www.pidm.gov.my).

4. Berapakah sumbangan yang perlu saya bayar?

Jumlah sumbangan yang anda perlu bayar adalah berbeza berdasarkan pelan yang anda pilih, kumpulan umur dan bilangan orang yang dilindungi.

Orang yang Dilindungi	Sumbangan Tahunan (RM)			
	Pelan Asas	Pelan Baik	Pelan Lebih Baik	Pelan Terbaik
Setiap Dewasa	112.94	192.87	337.97	496.06
Setiap Anak	30.57	45.09	57.45	69.87

Kami akan memberikan diskaun seperti berikut:

Bilangan orang yang dilindungi dalam sijil takaful	Kadar Diskaun
2 hingga 3	5% daripada sumbangan
4 hingga 6	7.5% daripada sumbangan
Lebih daripada 7	10% daripada sumbangan

Semua sumbangan (jika terpakai) akan tertakluk kepada caj-caj atau cukai-cukai yang berkenaan, sebagaimana yang dianggap perlu oleh pihak berkuasa cukai Malaysia. Ia adalah penting untuk menyimpan setiap resit yang telah anda terima sebagai bukti pembayaran sumbangan.

5. Apakah fi dan caj yang perlu saya bayar?

Jenis	Amaun
Fi Wakalah	45% daripada sumbangan termasuk: <ul style="list-style-type: none">• 25% Diskaun kepada peserta• 20% Perbelanjaan pengurusan
Cukai Perkhidmatan	8% daripada sumbangan
Duti Setem	RM10.00

6. Apakah terma-terma dan syarat-syarat yang perlu saya ketahui?

Kepentingan Pendedahan

- Menurut Perenggan 5 Jadual 9 Akta Perkhidmatan Kewangan Islam 2013, jika anda memohon takaful ini sepenuhnya untuk tujuan yang tidak berkaitan dengan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam borang permohonan (atau semasa memohon takaful ini). Anda dikehendaki menjawab soalan-soalan dalam borang permohonan ini dengan lengkap.
- Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak takaful anda, keengganan atau pengurangan gantirugi, perubahan terma atau penamatan kontrak takaful anda.
- Kewajipan pendedahan di atas hendaklah diteruskan sehingga kontrak takaful anda ditandatangani, diubah atau diperbaharui dengan kami.
- Sebagai tambahan kepada soalan-soalan di dalam borang permohonan (atau semasa memohon takaful ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
- Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak takaful anda ditandatangani, diubah atau diperbaharui dengan kami (atau semasa memohon takaful ini), apa-apa maklumat yang dinyatakan dalam borang permohonan tidak tepat atau telah berubah.

Kelayakan – Hanya warganegara Malaysia, penduduk tetap Malaysia, penduduk yang bekerja secara sah di Malaysia dan/atau pasangan dan anak-anak mereka yang tinggal secara sah di Malaysia, dengan umur minimum 45 hari hingga 65 tahun. Sijil takaful ini boleh diperbaharui secara tahunan atas pilihan kami sehingga umur 80 tahun. Sijil takaful ini akan tamat apabila anda mencapai umur 81 tahun.

Tunai sebelum perlindungan – Sumbangan perlu dibayar kepada kami sebelum perlindungan berkuatkuasa.

Tuntutan – Semua tuntutan hendaklah dikemukakan kepada kami dengan kadar segera dan tidak melebihi tiga puluh (30) hari selepas tarikh mana-mana kejadian yang membolehkan anda membuat tuntutan. Sila kemukakan kepada kami semua dokumen yang berkaitan untuk menyokong tuntutan anda. Sebarang dokumen atau bukti yang diperlukan oleh kami untuk mengesahkan tuntutan tersebut perlu dikemukakan kepada kami atas perbelanjaan anda sendiri.

Nota: Senarai ini adalah tidak menyeluruh. Sila rujuk sijil takaful untuk senarai penuh terma-terma dan syarat-syarat.

7. Apakah pengecualian-kecualian utama di bawah sijil takaful ini?

- Penyertaan atau cubaan untuk menyertai aktiviti yang menyalahi undang-undang, bunuh diri atau kecederaan yang sengaja dilakukan;
- Peperangan, serangan, pemberontakan, dan tindakan keganasan;
- Kecacatan atau keuzuran fizikal dan mental yang sedia ada;
- Terlibat di dalam sukan, pekerjaan atau aktiviti-aktiviti berbahaya;
- Keracunan/intoksikasi dadah dan alkohol; atau
- Terlibat di dalam organisasi ketenteraan, pertahanan awam, penguatkuasa undang-undang, skuad memadam api, atau perkhidmatan kawal keselamatan.

Nota: Senarai ini adalah tidak menyeluruh. Sila rujuk sijil takaful untuk senarai penuh pengecualian.

8. Bolehkah saya membatalkan sijil takaful saya?

Anda boleh membatalkan sijil takaful dengan memberi notis bertulis kepada Kami. Semasa pembatalan, Anda akan menerima bayaran balik sebahagian sumbangan dengan syarat anda tidak pernah membuat tuntutan semasa tempoh takaful.

9. Apakah yang perlu saya lakukan sekiranya terdapat perubahan maklumat perhubungan?

Adalah penting untuk anda memaklumkan kepada kami tentang sebarang perubahan maklumat perhubungan bagi memastikan semua komunikasi sampai kepada anda tepat pada masanya.

10. Di manakah saya boleh mendapatkan maklumat lanjut?

Sekiranya anda mempunyai sebarang pertanyaan, sila hubungi kami melalui e-mel di info@etiqa.com.my, dengan menghubungi Etiqa Online 1300 13 8888 atau +603 2297 3888, melalui faksimile ke +603 2297 3800, atau secara pos ke Etiqa General Takaful Berhad (201701025031), (Dilensenkan dibawah Akta Perkhidmatan Kewangan Islam 2013 dan dikawal selia oleh Bank Negara Malaysia), Aras 13, Menara B, Dataran Maybank, No 1, Jalan Maarof, 59000 Kuala Lumpur atau melayari laman utama kami di www.etiqa.com.my

Jika anda mempunyai aduan, pertikaian atau maklum balas berkaitan permohonan ini, sila hubungi unit aduan kami melalui e-mel di complaint_cmu@etiqa.com.my, dengan menghubungi 1300 13 8888 dari Malaysia atau +603 2780 4500 dari luar negara, melalui faksimile ke +603 2297 1919, atau secara pos ke Unit Pengurusan Aduan, Aras 6, Menara B, Dataran Maybank, No 1 Jalan Maarof, 59000 Kuala Lumpur.

Jika anda tidak berpuas hati dengan cara pengendalian kami, anda boleh merujuk kepada Bank Negara Malaysia melalui e-mel di bnmlink@bnm.gov.my, dengan menghubungi 1300 88 5465, melalui faksimile ke +603 2174 1515, atau secara pos kepada Pengarah, Jabatan LINK & Pejabat Wilayah, Bank Negara Malaysia, Jalan Dato' Onn, 50480 Kuala Lumpur.

Jika anda mempertikaikan keputusan yang telah dibuat oleh kami, anda boleh merujuk kepada Ombudsman Perkhidmatan Kewangan Biro Pengantaraan Kewangan melalui e-mel di enquiry@ofs.org.my, melalui faksimile ke +603 2272 1577 atau secara pos kepada Ketua Pegawai Eksekutif, Ombudsman Perkhidmatan Kewangan (Dahulu dikenali sebagai Biro Pengantaraan Kewangan) Tingkat 14, Blok Utama, Menara Takaful Malaysia, No 4, Jalan Sultan Sulaiman, 50000 Kuala Lumpur.

11. Lain-lain jenis perlindungan sama yang boleh didapati

Sila rujuk kepada kami atau ejen kami untuk maklumat tentang perlindungan serupa yang ditawarkan.

NOTA PENTING:

ANDA DINASIHATKAN MERUJUK SKALA MANFAAT UNTUK KEMATIAN DAN HILANG UPAYA DI DALAM SIJIL TAKAFUL ANDA. ANDA MESTI MELANTIK PENAMA DAN MEMASTIKAN PENAMA ANDA MENGETAHUI TENTANG SIJIL TAKAFUL KEMALANGAN DIRI YANG TELAH ANDA SERTAI. ANDA MESTI MEMBACA, MEMAHAMI DAN HUBUNGI KAMI UNTUK MAKLUMAT LANJUT.

Maklumat yang disediakan di dalam helaian pendedahan ini adalah sah pada 01/03/2024.